

直隸叙永廳志卷十二

津梁志

直隸叙永廳

蓬萊橋 聯東西兩城居上流有五硐明初架木
爲梁上覆以樓顏曰據勝又曰上橋萬歷年間
郡守周世匡重建以石先嘉靖時蜀人楊慎過
此題聯云一水跨雲虹洞洞重門司鎖鑰兩城
連地軸雙雙環璧拱金湯額曰鳧關擁日礮高
三丈七尺五寸寬二丈長三十一丈二尺康熙

直隸叙永廳志

卷十二

津梁

一

年間橋硐間有傾圮里人萬竒生捐貲補修

永和橋 橋建自前明指揮蘇似洵重修所更名
也原名飛虹又曰下橋亦聯兩城居下流有五
硐順治五年土賊楊展攻劫永寧永人斷此橋
以禦之兩城往來者必由上橋甚苦之乾隆三
年同知杜樞率衆捐修期年告竣士民中惟李
朝旺王文衡陳匡國賈新策劉佐參最稱急公
焉礮高三丈五尺五寸寬二丈四尺五寸長三
十三丈八景雙橋夜月卽指此二橋馬

鎮南橋 治東五里原名通濟通滇黔之路康熙

二十三年傾圮二十五年衛守備劉國相重修

永福橋 治北十五里

按舊志以上四橋俱在治內通志載叙州府下

誤

觀音橋 治東門外

五桂橋 同上

接脈橋 治西北五里

龍虎橋 治西二十里

直隸叙永廳志

卷十二

津梁

二

天生橋 治南四十里巨石架流上爲大道

銅鼓橋 治西北三十里明隆慶戊辰郡人丁楫

有重修銅鼓橋記今圯記見藝文

高橋 治西三十五里

賽公橋 治西四十里

迎恩橋 治西六十里

永濟橋 治西北七十里地名宋江舖故又名宋

江橋明宣撫奢劾忠夫婦捐萬金民王潔夫婦

亦助二千金完工瀘州知州楚陵李譽有記乾

隆庚寅同知朱孝純重修題其碑曰彩接雙虹

藝記
文見

會川橋 治西北八十里與納谿縣連界

風水橋 在赤水中所

雙橋 在磨泥所

環秀橋 在赤水南十五里

石橋 在白撒所

五里溪橋 在赤水北十五里

馬蹄灘渡 興隆灘渡

直隸叙永廳志

卷十二

津梁

三

二郎灘渡 太平渡

以上四渡俱上通赤水下達合江河

大渡口 天池渡 長灘渡

紅白沙渡 江門渡

龍穿漕渡 大舟驛渡

以上七渡俱上通永寧河下達納谿河入大江

鐵石坎渡 上通穿山洞下達永河